

道法會元卷之二百二之四

浮六

道法會元卷之二百三

二百三
同卷

浮六

金火天丁攝召儀

大聖統天元聖天尊

大聖尋聲救苦天尊

大聖朱陵度命天尊

三聲寶號徹諸天普召神霄永樂仙鸞馭浮
空齊降下九霄甘露布壇前天丁執牒通幽
夜炎火流鈴煥九淵攝召真魂乘梵至靈風
吹動彩幡旋和不可思議功德

伏以香浮玉篆翠霧輕籠鳳舞鸞翔金光煥

赫上達虛皇妙境直衝寶梵仙宮玉女采丹
誠金童傳素篆以今謹運真香供養

虛无大道至尊上帝玉清真王金容玉相天
尊青華大帝太乙救苦天尊可韓丈人丹霄
應化天尊玄天上帝終劫濟苦天尊南上受

得六

鍊真人妙行真人救苦真人大慧真人九華
真人三元三官大帝北極三聖真君靈寶五
師真君靈寶教主顯佑真君鍊度教主冲應
真君黃籙教主妙濟真君上清黃籙院三佐
真人玉府九司真君請因教主雷霆火師真

君雷師皓翁真君玉真教主妙濟普化天師
林真人太素大夫侍宸王真人左元真伯張
真人瓊瑤金闕陳真人左執法君薛真人六
陰洞微仙卿盧真人虛元統化真卿徐真人
火鈴仙卿劉真人神霄歷代傳派宗師金火
天丁火鈴妙帥火鈴主鍊仙官火鈴玉冊仙
官神霄解罪救苦度魂仙官九斗陽芒流金
火鈴大將解冤釋結大將軍火鈴童子女兵
雷吏霄伯靈官公孫元帥神霄功曹素女冥
司急取亡人案典者溫元帥神虎何喬二大

元帥豐都內臺楊元帥豐都行司關元帥艮
宮攝亡丘天丁三界召魂使者地府五道將
軍冥冷大神泰山府沿路土地玄都茭龍驛
吏地府齋簡童子九龍符命使者法院官將
獄府隍司殛司主宰三界四直功曹當境社

海大

今土地等神遙空啓奏恭想鑒觀孝信恭虔
謹陳酌獻

伏聞神霄大帝玉清真王說法霄度天演鍊
魂之妙旨垂光碧玉殿降攝召之真科真王
駕翠蓋之車羣聖馭青華之輦金鑾導駕玉

女叅輿齊會羣真大宣要道玉符頒下俾幽
夜之顯光金簡宣行燭冥途而烜赫苦魂頓
釋妙教流行上之相傳師之付度今則玉音
流響九天之衆聖齊臨銀燭浮光十極之千
毫交散莫不精嚴科式宣演靈章攝召齋忱

謹當宣白

白意

誠悃已宣高真洞鑒伏望煥金光於八極燦
玉彩於十方冥原盡化騫林幽獄皆成寶苑
天花散亂甘露霏微彩幡鼓舞玉鸞翔翠竹
動搖金鳳轉芙蓉玉女持旌節芍藥瓊娥響

玉璫火鈴衝擲八方清
金劔掃橫五道淨
詠玉音而響亮扣金磬以清揚
鬼道聞此玉音釋開迷惑目瞻太清
人道聞此玉音出離生死逍遙上清
仙道聞此玉音不墜下地常居玉清

火鈴光煥天尊

海六

玉鳳靈旛舞

金鸞翠竹搖

仙妃垂翠輦

玉女奏仙韶

萬籟聲沈寂

香風散玉霄

真王垂濟度

咸得步仙橋

玉真垂濟天尊

玉符頒下祥光煥散瓊毫萬道明華光照玉
女馭丹霞見仙韶齊奏無盡仙魂飛步到命
金火天丁開道宣詔遣玉容仙女把靈幡來
召

志心召請火鈴妙帥金火天丁擲鈴流猛火
飛步降香雲願聞今召請秉符執牒召魂來
靈幡舞長夜悉通開 存至

向伸召請已沐降臨催召牒文謹當宣白
向來文牒已具披陳妙帥威靈必垂昭鑒楮
財文牒用火化焚

化牒

衆宣呪曰

普告三界无極神鄉泉曲之府北都羅酆三
官九署十二河源上解祖考億劫種親疾除
罪簿落滅惡根不得拘留逼合鬼羣

元始符命時刻昇遷北都寒池部衛形魂制
魔保舉度品南宮死魂受鍊仙化成人身
受度劫劫長存隨劫輪轉與天齊年永度三
途五苦八難超凌三界逍遙上清

伏聞神通變化斯須而經緯萬方聖化周行
瞬息而往來六合地獄陽間仙境雲霄天界

玄都九壘九泉十方十地五嶽名山之內三
元水國之中悉遍追尋附播顯現玉音妙語
謹爲宣揚
諷破豐都咒三遍

法師作用行破獄攝魂之法

陰靈來我藩陽魂返汝殘北斗天蓬敕玄武

淨六

出幽關一如北斗祕書律令攝

四

召請天仙女桃花粹玉容手持火鈴節足履
金蓮花駕馭金光炁金光瑞炁散十方真王
召童子引魂來到和永離三途苦

志心奉請

火鈴妙帥金火天丁惟願秉神霄之妙旨搖
撼天之帝鐘攝召亡過某台光之靈伏願死
魂受鍊仙化成人是夜今時來臨法會和受
茲超度功德

召請神仙女殊倫翠玉容手持火鈴節足履
彩蓮花駕馭金光炁金光瑞炁散十方真王
召童子引魂來到和永離三途苦

志心二請

火鈴妙帥金火天丁惟願秉神霄之玉錄擲
流金之火鈴攝召亡過某幽精之靈伏願上

登朱陵府下入開光門是夜今時來臨法會
和受今超度功德

召請真仙女冰姿滿月容手持火鈴節足履
碧蓮花駕馭金光炁金光瑞炁散十方真王
召童子引魂來到和永離三途苦

淨六

五

志心三請

火鈴妙帥金火天丁惟願秉神霄之玉簡耀
寶鏡以光芒攝召亡過某爽靈之魂伏願超
度三界難徑上元始天是夜今時來臨法會
和受茲超度功德

向來恭承神霄敕命三遣金火天丁攝召神
魂附旛顯現伏願羽衣飄轉寶節交橫仙魂
隱隱步虛來真魄飄飄騰梵至帝鐘振動火
鈴交飛瑞風起而玉彩迸輝祥霞生而金光
煥赫碧挑紫捺長生果玉冊金符永樂篇徐
徐移步禮真王整整衣冠朝大帝黃華碧沼
金光起玉醴蘭臺翠霧生洗浴身心便悟希
夷之道精專志念即登快樂之天聆羽衆之
清音聽高人之妙韻三禮玉容福增長一聲
寶梵罪銷除有勞同學之至人齊詠靈書之

隱語

衆宣咒曰

獲无自育 九日導乾 坤母東覆 形攝上玄

陀羅育邈 眇炁合雲 飛天大醜 總監上天

沙陀劫量 龍漢瑛鮮 碧落浮黎 空歌保珍

惡奕无品 洞妙自真 元梵恢漠 幽寂度人

引亡人至沐浴所

太玄神水全資滌蕩恩波蓬島真香自有返
魂妙訣痛念亡靈之久逝爰修法會以薦揚
欲遂昇遷必資沐浴身意潔而樂亦在其中

矣衣冠正則儼然望而畏之沐甘露之沾濡
出幽途之昏滯心神頓悟瞻三寶以皈依魂
魄超昇覺千愆之雪釋宣揚秘密語拯濟亡
過靈

咒水洒浴所

淨六

六

太玄神水

五行之初

生能浴物

洗新除故

渴飲養命

死苦難遇

若非大慈

何能救度

潔滌朽骸

願登仙路

焚衣宣咒

五濁已清

八景已明

今日受鍊

罪滅福生

衣巾鞋履 以飾儀形 汝今冠帶 齊登上清
澡身浴德 无復同於光塵 彈冠振衣 必自逞
其顏色 既使地根之斷絕 將遂天衢之亨通
隨我靈籓 上朝金闕

衆諷天尊 說經教 引至大道前 白朝
參文引 竟朝參畢

會朝清明 已覩正乾之御 颺言拜稽 寧无滌
震之恭 仰謝玄恩 許容退步 有勞法衆 仙音
引導

引詣靈席 施食

神霄火鈴施食儀

法事

切以追想音容爰效楚鄉之些依憑道法幸
歸月夜之魂望少爲瑤席之留謹先獻龍團
之品香茶奉獻孝悃披宣入意

淨六

七

向伸孝悃已對披宣伏以金飯玉漿餌之者
陟九清之境交梨火棗食之者離五苦之鄉
非道力之收資豈法橋之可度切念亡過某
奄歸逝水俄歷光陰未明解脫之期當備馨
香之薦恭命琳宮之侶宏宣藥簡之文吟寶

偈以加持演靈章而受記當願神識不昧儼
若生存享此齋功克臻妙道

法雲流潤天尊

自然生神章

金書開大有

天尊大慈悲

宣揚秘密語

奉請亡過靈

冥心恭稽首

我今施法食

惟願來敬受

奉為亡靈上資往生仙界念

玉清慧命哀憫沈魂咒曰

稽首明慧虛无尊

稽首皈命重玄主

裁成天地無得稱

普為衆生作恃怙

慈濟五道轉輪魂

哀救三途地獄苦

皈命金闕天中尊

皈命六道慈悲父

皈命玉京无上尊

已離生死長綿綿

出有八虛无所待

能令枯朽變成仙

千劫萬劫難一遇

為衆廣說業因緣

迴骸起死永長存

使其神魂无變遷

奉為亡靈上資往生仙界念

開艷都破地獄昇天堂咒曰

茫茫艷都中

重重金剛山

靈寶無量光

洞照炎池煩

七祖諸幽魂

身隨香雲播

定慧青蓮花

上生神永安

奉為亡靈上資往生仙界念

開咽喉飲甘露法食咒曰

散消長夜苦

釋惱三途中

猛火入咽喉

常生飢渴念

一洒甘露雨

如熱得清涼

淨六

神魂生大羅

潤及於一切

奉為亡靈上資往生仙界念

大慈天尊說甘露法食咒曰

功德金色光

微微開暗幽

華池流真香

蓮蓋隨雲浮

千靈重元和

常居十二樓

急宣靈寶旨 自在天堂遊

三真酒白文

切以酌言獻之莫厭金蕉之泛醞可戀耳何妨玉山之頽無復如昔日之笑談但頻想春風於圖畫百年猶過客何須身後之名一斗合自然但得酒中之趣清酒上陳初奠

奉為亡靈上資往生仙界念

三光流精法食咒曰

妙道生一炁

炁中分陰陽

凝華日月精

燦然流三光

九華合九道

八色怡八方

煥爛動真體

流精歸太芒

下生淵泉宮

上列無何鄉

縱體覆飛跡

欵然都相忘

七寶流精潔

混沌雜華房

咽服九霞散

此樂殊未央

切以魂兮歸來久托巫陽之些酒既和旨載

得六

九

吟衛武之詩縱笑談無四座之驚且更勸此

一杯之盡蓬山在何處便可乘風而歸郢筍

不用沽何妨長夜之飲清酒上陳二真

奉為亡靈上資往生仙界念

玉清甘露法食咒曰

稽首仰圓羅

合景挹靈芒

拘魂制七魄

思審定中央

行坐禮虛无

寢息宴玄房

飢飡黃蘗華

渴飲瓊根漿

神精命大魔

今體鍊真光

復照觀大无

常在虛空遊

圓通泯波濟

真化靡中期

杳渺无終始

行者當明知

寂寥忘理教

應運闡宏規

降道不自照

要當先所施

會歸无二處

隨心自合離

切以荷鍾歸來可比劉伯倫之豁達
觥籌交錯只須歐陽子之風流何須一斗為上尊且

喜三杯通大道碧桃落盡莫言滯酒不歸青
鳥飛來便可乘風而去清酒上陳終真

奉為亡靈上資往生仙界念

老子五厨真經咒曰

一炁和太和 得一道皆泰 和乃无一和

玄理同玄際 不以意思意 亦不求无思

意而无有思 是法如是持 莫將心緣心

還莫住絕緣 心在莫存心 真則守真淵

修理志離志 積修不符離 志而不修志

已業无已知 諸食炁結炁 非諸久定結

炁歸諸本炁 隨取當隨泄

向來諷演靈章加持法食皆九丹之妙訣出
三洞之玄科靈音既徹於十方惠澤旁沾於
九地幽魂受鍊冥府開闢不飢不寒頓入泰
和之域无爲无欲必超清淨之方重念逝水
不回盛筵難再幸邇得六三清之御同堅一念之
誠奉爲亡靈增修冥福指坦若逍遙之路誦
妙哉大洞之經法衆虔誠敷揚妙範

舉皈依頌 諷經 聞經頌

切以歸月夜之魂匪可晤語挽春風之筆少

叙哀悼具有疏文用伸宣白

宣疏

切以金飯玉漿隨所求而皆至琅函寶笈欲
普度於無窮茲爲莫大之因可謂難勝之福
地根旣絕天衢將享寶輦駕香車志出鴻濛
之表慈雲施法雨永辭幽暗之鄉稽首皈依
志心稱念隨願往生天尊超昇南上天尊道
遙快樂天尊和不可思議功德

舉向來

道法會元卷之二百三

道法會元卷之二百四

金火天丁起靈受鍊儀

大聖慈悲道寶天尊

大聖慈悲經寶天尊

大聖慈悲師寶天尊

淨六

十一

巍巍三界好超凌莫念前生未了因
勸子試從今夜省何人曾活百年身
長生自有希微旨未死誰甘勇退人
聞道青鸞傳好語蓬萊今日度仙真
和不可思議功德

伏以香浮八景爰號返魂之名燈散九華來

報生天之喜以今虔誠重伸昭告某靈魂伏
望靈光特垂昭鑑切以生必有死此乃古今
之常死可復生當假薦揚之力謂如今日普
當受度幸喜諸天悉皆降臨便好乘機莫不
稱慶雲階月地固不難於仙遊玉笋瓊漿豈
敢忘於祖餞玄科祕典謹用宣揚

法雲流潤天尊

切以流水浮雲本無掛碍清風明月任自遨
遊一杯綠醕坐生春無愁可解兩臉紅霞行
已曉有路上昇孝眷虔誠別靈初獻

瓊漿初泛九霞鍾

以表殷勤薦拔功

更閱五千言道德

尹真引向太清宮

切以塵世相逢風光有限雲山可住時節無
多不如醉裏歸來白雲無數便可閒中偃息
紅日偏長孝眷虔誠別靈三獻

夜高符吏叩匆匆

金簡傳宣下北豐

已得生神章九卷

簫韶引向上清宮

切以滿眼空花何須顧戀生身實果將遂圓
成回首千山東歸華表啼猿鶴濡唇一點西
出陽關無故人孝眷虔誠別靈三獻

珍羞羅列几筵中
遐想神靈舊日容

不用返魂香一炷
雲英引向玉清宮

切以食無金蓋玉鱠之珍久應厭飫境有翠

水瑤池之勝想已坐馳更須從東向誦經庶

即得南宮受鍊再同法衆齊諷靈篇

得六

十二

曹妻阿薈
无愁觀音
須延明首
法攬菩曇

稼那阿奕
忽訶流吟
華都曲麗
鮮菩育臻

答落大梵
散烟慶雲
飛灑玉都
明魔上門

無行上首
回蹠流玄
阿陀龍羅
四象吁員

南閻洞浮
玉眸詵詵
梵形落空
九靈推前

澤冷善臺

綠羅大千

眇芥九醜

韶誼緣道

雲上九都

飛生自騫

那育郁馥

摩羅法輪

靈持无鏡

攬姿運容

馥朗廓奕

神纓自宮

刀利禪猷

婆泥咎通

宛數滌色

太眇之堂

流羅梵萌

景蔚蕭岵

易邈无寂

宛首少都

阿縊郁竺

華莫延由

九開自辯

阿那品首

无量扶蓋

浮羅合神

玉誕長桑

栢空度仙

攫无自有

九日導乾

坤母東覆

形攝上玄

陀羅育邈

眇炁含雲

飛天大醜

總監上天

沙陀劫量

龍漢瑛鮮

碧落浮黎

空歌保珍

惡矣无品 洞妙自真 元梵恢漠 幽寂度人
引魂上生天尊

切以玉華散景火樹合花以永今夕金液鍊
形玉眸冶質允適其時制魔專伺保迎衆真
悉臨監度切惟亡過某若不歸根復命何由

海大

十三

入聖超凡須知否極泰來即是陰消陽長豈
止一身受度就同七祖昇遷瞻彼朱陵請移
玉趾勿可謂宿緣宜會勿可謂遇法當傳二
三其德則五帝書名進退其心則三官鼓筆
蓋道寶經寶師寶起寶座而五色空浮及天

仙地水仙擁仙仗而一時同至切須端拜
諦聽法言靈識如存俯從引導

引至鍊度壇 朝參

白亡受鍊

道法會元卷之二百四



